



## REPUBLIKA E SHQIPËRISË

### KOMISIONERI PËR TË DREJTËN E INFORMIMIT DHE MBROJTJEN E TË DREJTORIA E PËRGJITHSHME PËR TË DREJTËN E INFORMIMIT DREJTORIA E MONITORIMIT TË PROGRAMEVE TË TRANSPARENCËS

Nr. 216/3 Prot

Tiranë, më 04/3/2021

#### REKOMANDIM

Nr. 23, datë 04/3/2021

#### PËR PROGRAMIN E TRANSPARENCËS SË AUTORITETIT PUBLIK “DREJTORIA E PËRGJITHSHME E ARSIMIT PARAUNIVERSITAR”

Në mbështetje të nenit 23 të Kushtetutës së Republikës së Shqipërisë, nenit 6 dhe 7 të Ligjit nr. 119/2014 “Për të drejtën e informimit”, si dhe shkronjave c), e) dhe f) të nenit 31/1 të Ligjit nr. 9887, datë 10.03.2008 “Për Mbrojtjen e të Dhënave Personale”, i ndryshuar.

#### KONSTATOVA SE:

Zyra e Komisionerit për të Drejtën e Informimit dhe Mbrojtjen e të Dhënave Personale, ka kryer monitorimin on-line të transparencës proaktive të Autoritetit Publik “Drejtoria e Përgjithshme e Arsimit Parauniversitar” (në vijim “Autoriteti Publik”).

Në pikën 1, të nenit 4 të ligjit nr. 119/2014 “Për të drejtën e informimit” (në vijim “LDI”) parashikohet se: “*Autoriteti Publik vë në zbatim një program institucional të transparencës, ku përcaktohen kategoritë e informacionit që bëhet publik pa kërkesë dhe mënyra e bërjes publike të këtij informacioni*”.

Në nenin 6 të LDI parashikohet se: “*Komisioneri për të Drejtën e Informimit dhe Mbrojtjen e të Dhënave Personale miraton dhe shpërndan modele të programeve të transparencës për kategori të ndryshme të autoriteteve publike, në përputhje me legjislacionin në fuqi...*”.

Nga monitorimi i kryer në faqen zyrtare: <http://arsimiparauniversitar.gov.al/info/> rezultoi se Autoriteti Publik, nuk ka përmbushur detyrimin ligjor të përcaktuar në pikën 1, të nenit 4 dhe nenit 6 të LDI, për të vendosur në zbatim programin institucional të transparencës sipas Urdhrit nr. 14, datë 22.01.2015, “Për miratimin e Programit Model

të Transparencës”<sup>1</sup>, të Komisionerit për të Drejtën e Informimit dhe Mbrojtjen e të Dhënave Personale, në të cilin përcaktohen kategoritë e informacionit që bëhen publike pa kërkesë, por nuk ka pasqyruar në program kategoritë e informacionit të detyrueshëm për tu bërë publik në përputhje me përcaktimet e nenit 7 të LDI.

Në përfundim të procesit të monitorimit, Zyra e Komisionerit hartoi raportin përkatës. Me qëllim prezantimin e Raportit të Monitorimit të Programit të Transparencës dhe komunikimin e gjetjeve të tij për secilin autoritet publik, përfshirë dhe Autoritetin Publik/ Drejtorinë e Përgjithshme e Arsimit Parauniversitar, si dhe me qëllim marrjen e një vendimi sa më objektiv, në zbatim të nenit 10 të Ligjit nr. 44/2015 i cili parashikon: *“Organi publik siguron që të gjitha palët dhe persona të tjerë të përfshirë në procedurë të jenë në gjendje të ndjekin dhe të mbrojnë të drejtat dhe interesat e tyre ligjorë në mënyrë sa më efektive dhe të lehtë të jetë e mundur”*, me shkresën nr. 21 Prot., datë 06.01.2021, Komisioneri vlerësoi zhvillimin e një seance dëgjimore, si hap paraprak. Seanca u zhvillua me datë 14.01.2021, në të cilën u prezantua raporti i monitorimit të Programit të Transparencës edhe për Autoritetin Publik/Drejtoria e Përgjithshme e Arsimit Parauniversitar.

Në përfundim të seancës, Autoritetit Publik i'u la afat për dërgimin e qëndrimit në lidhje me rezultatet e monitorimit deri me datë 18.01.2021. Nëpërmjet emailit të datës 29.01.2021, Autoriteti Publik sqaroi Zyrën e Komisionerit se përfaqësuesi i autoritetit i cili ka qenë prezent në seancën dëgjimore, është angazhuar në përmbushjen e detyrimeve të relatuara në seancë.

Në ndjekje të procedurës së hetimit administrativ, në përputhje me nenin 31/1, shkronja “c” e Ligjit nr. 9887, datë 10.03.2008 “Për mbrojtjen e të dhënave personale” i ndryshuar dhe nenit 87 të Ligjit nr. 44/2015 “Kodi i Procedurave Administrative i Republikës së Shqipërisë”, nëpërmjet shkresës nr. 215 Prot., datë 27.01.2021, Komisioneri kërkoi nga titullari i institucionit, në cilësinë e subjektit përgjegjës sipas nenit 19 të LDI, të paraqesë qëndrimin dhe provat përkatëse, brenda datës 02.02.2021. Nëpërmjet e-mailit të datës 01.02.2021 Autoriteti Publik ka sqaruar se po punohet për plotësimin e programit të transparencës me informacionin përkatës.

E drejta për informim është një e drejtë e sanksionuar në Kushtetutën e Republikës së Shqipërisë, e cila parashikon të drejtën e qytetarëve për të patur akses në dokumente zyrtare dhe detyrimin e autoriteteve publike për të përmbushur këtë të drejtë.

Programi Model i Transparencës përfaqëson instrumentin kryesor të transparencës së autoriteteve publike, që çdo autoritet është i detyruar ligjërisht ta zbatojë atë.

Ky program, vlerësohet si një mënyrë konkrete përmes së cilës Autoriteti Publik ndërton dhe rrit transparencën në veprimtarinë e tij institucionale, nëpërmjet përditësimit dhe pasurimit të vazhdueshëm të tij, në referencë edhe të pikës 2 të nenit 5 të LDI.

<sup>1</sup> Ndryshuar me Urdhrin nr. 187 datë 18.12.2020 “Për miratimin e Programit Model të Transparencës, të rishikuar”



Për sa më sipër, Komisioneri vlerëson se Autoriteti Publik duhet t'i përmbahet programit model të transparencës të miratuar nga Komisioneri me në përputhje me Urdhrin nr.14, datë 22.01.2015 "Për miratimin e Programit Model të Transparencës" të Komisionerit për të Drejtën e Informimit dhe Mbrojtjen e të Dhënave Personale, ndryshuar me urdhrin nr. 187, datë 18.12.2020 "Për miratimin e Programit Model të Transparencës", të rishikuar.

### **PËR KËTO ARSYE:**

Bazuar në nenet 4, 6, 7 të Ligjit nr. 119/2014 "Për të Drejtën e Informimit", shkronjës c), e) dhe f) të nenit 31/1 të Ligjit nr. 9887, datë 10.03.2008 "Për Mbrojtjen e të Dhënave Personale", i ndryshuar,

### **REKOMANDOJ :**

1. Autoriteti Publik/ Drejtoria e Përgjithshme e Arsimit Parauniversitar, në zbatim të gërmave a), b) dhe c), të pikës 2 të nenit 4 të Ligjit nr. 119/2014 "Për të Drejtën e Informimit", të vendos në zbatim programin institucional të transparencës, ku të pasqyrojë, të gjitha kategoritë e informacionit të detyrueshëm për tu bërë publike, në përputhje me Urdhrin nr.14, datë 22.01.2015 "Për miratimin e Programit Model të Transparencës" të Komisionerit për të Drejtën e Informimit dhe Mbrojtjen e të Dhënave Personale, ndryshuar me Urdhrin nr. 187, datë 18.12.2020 "Për miratimin e Programit Model të Transparencës", të rishikuar;
2. Në zbatim të nenit 32/1 të Ligjit nr. 9887 datë 10.03.2008 "Për Mbrojtjen e të Dhënave Personale", i ndryshuar, të kryhet plotësimi i detyrimeve të parashikuara në pikën 1 të këtij Rekomandimi, menjëherë;
3. Në rast mos përmbushje të detyrimeve të caktuara, Komisioneri vepron sipas nenit 18, 19 dhe 20 të ligjit nr. 119/2014, "Për të Drejtën e Informimit".

Ky Rekomandim u shpall sot më datë 04.3.2021

**KOMISIONERI**

**Besnik Dervishi**

